



INATSIARTUT

**Aningaasaqarnermut Akileraartarnermullu
Naalakkersuisoq**

Ulloq: 30. juni 2025
J.nr.: 01.31.06/25-01137

**Aningaasaqarnermut Akileraartarnermullu Ataatsimiititaliap ataasinngornermi ulloq
30. juni 2025-mi aalajangiineranik Naalakkersuisunut ilisimatitsineq.**

**Arnanut 1991-ip kingorna akuersitinneqaratik imaluunniit ilisimanagu il.il.
naartunaveersaaserneqarsimasunut taarsiissuteqarnissaq pillugu
Naartunaveersaasersuisimaneq pillugu suliaq, aamma**

**Naartunaveersaasersuisimanermut suliassami inuit pisinnaatitaaffiit tunngassutillit
pillugit immikkut ilisimasallit misissuinissaannut piffissamut killigititap
kinguartinneqarnera aamma konto pingaarnermut 67.01.12-imut kinguartitsinermut
atatillugu oqaasertaliussanik ilanngussinissaq pillugu ilassutitut
aningaasaliissuteqarneq pillugit ilisimatitsissut. Ataatsimiititaliap suliaa nr.
01.31.06/25-01137.**

”Naalakkersuisut inassutigaa,

- konto pingaarnermi 20.11.50 Ingerlatsinermut sillimmatit, aningaasaliisutit 2025-mi 4.500.000 koruuninik ikilisinneqassasut.
 - konto pingaarnermi 67.01.19 Naartunaveersaasersuisimaneq pillugu suliaq, aningaasaliisutit 2025-mi 4.500.000 koruuninik amerlisinneqassasut.
 - ilanngussaq ilanngunneqartoq naapertorlugu 2025-mut ilassutitut aningaasaliissutissanut inatsimmut siunnersuummi kontumut pingaarnermut, 67.01.19 Naartunaveersaatit pillugit suliaq, oqaasertaliussat nr. 1 aamma 2 ilanngunneqassasut,
- aamma
- konto pingaarnermut 67.01.12 Inatsisit Atuutsinneqarnerannut Immikkoortortaarfik, oqaasertaliussaq ilanngussaq ilanngunneqartoq naapertorlugu 2025-mut ilassutitut aningaasaliissutitut inatsisissatut siunnersuummi ilanngunneqassasoq.”

Aningaasaqarnermut Ataatsimiititaliap oqaaseqaatai apeqqutaalu

Apeqqut 1:

Suliaq Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfimmit 2024-mi januaarimiilli ataqatigiissaarif-figineqarsimasoq Naalakkersuisunit paasissutissiissutigineqarpoq. Aatsaat ukiup ataatsip affallu qaangiutereernerani suliaq nukinginnartutut suliarineqarnissaanik Naalakkersuisut

Aningaasaqarnermut Akileraartarnermullu Ataatsimiititaliamut qinnuteqarnerannut suna tunngaviua?

Apeqquut 2:

Naalakkersuisut nikisiterinissamut piginnaatinneqareersut sooq qinnuteqaqqittoqarpa?

Apeqquut 3:


Aningaasartuutini aalajangersimasunik akiliinissaq pillugu ilassutitut aningaasaliissuteqarnissamik qinnuteqaatit, Naalakkersuisunit aalajangiiffigineqartut aammalu Aningaasaqarnermut Akileraartarnermullu Ataatsimiititaliamit akuerineqartut, aningaasartuummik akiliinissamut sioqqutsisumik aningaasaliissutini tunngavissaqarnissaq pillugu aallaaviusumit ilaatitsinnginnerussammat Naalakkersuisut paasissutissiissutigaat.” Tassunga atatillugu Inatsisartut Naalakkersuisullu pillugit Inatsisartut inatsisaanni nr. 26, 18. november 2010-meersumi § 16, imm. 2-mi aalajangersagaq, aningaasartuutini aningaasanut inatsisip akuersissutigineqarnerani siumut naatsorsuutigineqarsinnaasimanngitsunik aningaasartuuteqarnissamik Inatsisartut sinnerlugit Aningaasaqarnermut Ataatsimiititaliamut akuersissuteqarsinnaatitsisoq, ataatsimiititaliamit innersuussutigineqassaaq.

Ataatsimiititaliap isumaa malillugu Aningaasaqarnermut Akileraartarnermullu Ataatsimiititaliap aalajangiineri tassaannngillat aningaasartuuteqarnissap siumoortumik akuersissutigineqarsimanissaanik malittarisassamik saneqqutsinerit. Siunertanut nutaanut allanngortitanullu, aningaasanut inatsisip akuersissutigineqarnerani siumut naatsorsuutigineqarsinnaasimanngitsunut, ilassutitut aningaasaliissuteqarnissaq anguneqarsinnaavoq, tamannalu aningaasartuuteqannginnermi Aningaasaqarnermut Akileraartarnermullu Ataatsimiititaliamit Inatsisartut sinnerlugit akuerineqartussaavoq. Tamatumunna Naalakkersuisut oqaaseqaateqarnissaat ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangenera

Taamatut apeqquteqarlutik Naalakkersuisunit inassuteqaatit amerlanerussuteqartut akueraat.

Inussiarnersunik inuulluaqqusillunga



Erik Jensen

Aningaasaqarnermut Akileraartarnermullu Ataatsimiititaliap siulittaasua